



REPUBLIKA E KOSOVES / REPUBLIKA KOSOVA / REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Dep. <u>Z-D/DPK</u>	Nr. Prot. <u>01-2504/15</u>
Nr. llog. <u>03</u>	Data <u>19.08.2015</u>
PRISTINE	



Republika e Kosovës Republika Kosova - Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

Në mbështetje të nenit 11 (paragrafi 1.1), nenit 5 (paragrafi 1 pika 1.5) të Ligjit nr. 03/L-159 për Agjencinë kundër Korrupsionit, nenit 18 (paragrafi 4, 8 dhe 12) të Ligjit nr. 04/L-051 për parandalimin e konfliktit të interesit në ushtrimin e funksionit publik, si dhe nenit 19 (paragrafi 11) të Rregullores nr. 01/2014 së Punës të Agjencisë kundër Korrupsionit, Drejtori i Agjencisë kundër Korrupsionit me datë 19.08.20145 mori:

V E N D I M

- I. Ekziston konflikt interesi dhe papajtueshmëri në ushtrimin e funksionit publik në rastin me nr. AKK -03-4687/14, për zyrtarin e lartë z.Nazmi Iballi - Dekan i Fakultetit të Sigurisë Publike në Vushtrri dhe njëkohësisht pronar dhe menaxher biznesin privat N.P.SH.“Bilanci”.
- II. Agjencia do të kërkoj nga institucioni ku zyrtari i lartë ushtron funksionin që të filloj procedurën për shkarkimin e tij.
- III. Agjencia do të kërkoj fillimin e Procedurës për Kundërvajtje nga Gjykata kompetente.
- IV. Të gjitha vendimet që i nxjerr Agjencia lidhur me konfliktin e interesit bëhen publike në ueb faqen zyrtare të Agjencisë.
- V. Ky vendim hyn në fuqi ditën e nënshkrimit.

A r s y e t i m

I. Bazuar në Ligjin për Parandalimin e Konfliktit të Interesit në Ushtrimin e Funksionit Publik Nr.04/L-051 (në tekstin e mëtejme Ligji PKI), neni 18 (paragrafi 1 dhe 3), nën dyshimin e bazuar për konflikt interesi, është inicuar rasti për zyrtarin e lartë z. Nazmi Iballi i cili ushtron funksionin publik: Dekan i Fakultetit të Sigurisë Publike në Vushtrri dhe njëkohësisht është pronar dhe menaxher në biznesin privat N.P.SH.“Bilanci”.

Fillimisht zyrtari i lartë është njoftuar me një shkresë zyrtare nga Agjencia kundër Korrupsionit, për fillimin e shqyrtimit të gjendjes së mundshme të konfliktit të interesit. Pas pranimit të kësaj shkrese, z. Iballi është takuar me zyrtarët e AKK-së. Ai është njoftuar me faktet që posedon

Agjencia për këtë rast, në lidhje me situatën e konfliktit të interesit respektivisht kufizimet që parashihen në Ligjin PKI për atë si zyrtar i lartë.

z. Iballi është njoftuar se gjatë ushtrimit të funksionit publik si zyrtar i lartë, nuk mund të ushtroj funksionin e pronarit dhe menaxherit në biznesin privat N.P.SH. "Bilanci" sepse është e ndaluar me nenin 15 dhe 16 të Ligjit PKI.

Pika 1 e nenit 15 shprehimisht përcakton se *"Zyrtari i lartë nuk mund të jetë menaxher, anëtar i ndonjë organi menaxhues apo kontrollues i ndërmarrjeve private"*.

Ndërsa pika 3 e nenit 16 përcakton se *"zyrtari i lartë publik nuk mund të ushtrojë në mënyrë aktive të drejtën e pronësisë ose pjesë të pronësisë në një ndërmarrje, pavarësisht nga fusha e veprimtarisë së saj"*.

Ndërkohë, Agjencia kundër Korrupsionit nuk ka marr informatë për shmangien e kësaj gjendje, konform ligjit dhe rekomandimeve që i ishin bërë në takim.

Me datë 23.07.2015 Agjencia kundër Korrupsionit, konform nenit 18, paragrafi 5 të Ligjit PKI, zyrtarit të lartë, z. Iballi, i ka bërë edhe shkresën e dytë (paralajmëruese) në të cilën e njofton atë për situatën në të cilën ndodhet, për masat tjera që mund të pasojnë, nëse gjendja nuk ndryshon dhe njëkohësisht i jep afat të ri, por, të kufizuar ligjor, për ta ndryshuar këtë gjendje duke shmangur konfliktin e interesit.

Zyrtari i lartë z. Nazmi Iballi, nuk e ka përfillur këtë afat dhe deri më sot nuk ka marrë veprimet e nevojshme për shmangien e konfliktit të interesit.

Në bazë të Ligjit PKI (neni 14, pika 1 dhe 2) Personi, Zyrtari i lartë, pronari i aksioneve, gjegjësisht pjesës së kapitalit në një ndërmarrje, gjatë ushtrimit të funksionit publik, duhet t'i transferojë të drejtat e administrimit ose menaxhimit, apo drejtimit të ndërmarrjes tek ndonjë person të besuar. Zyrtari i lartë është i obliguar që në afat prej tridhjetë (30) ditësh nga zgjedhja, vendosja ose emërimi në detyrë me post zyrtar, të bëjë transferimin e të drejtave në udhëheqjen e ndërmarrjes në personin e besuar kurse brenda afatit prej pesë (5) ditë nga data e transferimit se këtyre të drejtave ta njoftoj me shkrim Agjencinë.

II. Agjencia do të kërkoj nga institucioni ku zyrtari i lartë ushtron funksionin publik që të filloj procedurën për shkarkimin e tij. Kjo bazuar në nenin 18 (pika 8) të Ligjit për Parandalimin e Konfliktit të Interesit i cili thotë: *"Në rast se personi zyrtar i lartë vazhdon të kryej aktivitete apo funksione të papajtueshme sipas këtij ligji, pavarësisht nga paralajmërimi i Agjencisë, atëherë Agjencia i kërkon institucionit ku zyrtari i lartë ushtron funksionin që të filloj procedurën për shkarkimin e tij"*.

III. Sipas Ligjit për Parandalimin e Konfliktit të Interesit, neni 20, pika 1, *"Çdo shkelje e detyrimeve të përcaktuara me këtë ligj, kur nuk paraqet vepër penale, paraqet kundërvajtje dhe dënohet me gjobë sipas kufijve të përcaktuar në paragrafin 1.1, 1.2 dhe 1.3"*.

Sipas Nenit 20 pika 2, *"Për shkelje të detyrimeve të përcaktuara me këtë ligj, zyrtarit të lartë publik, udhëheqësit apo drejtuesit të institucionit udhëheqës, përveç dënimit gjykata mund t'i shqiptoj edhe masën mbrojtëse; ndalimi i ushtrimit të funksionit publik në kohëzgjatje prej tre (3) muaj deri në një (1) vit"*.

IV. Sipas Nenit 18 paragrafi 12, të gjitha Vendimet që i nxjerr Agjencia lidhur me konfliktin e interesit bëhen publike në ueb faqen zyrtare të Agjencisë.

Andaj u vendos si në dispozitiv të këtij vendimi.

Vendimi iu dërgohet:

- Zyrtarit të lartë publik;
- Drejtorit të DPK- së;
- Z./znj. (zyrtarit përgjegjës).

Drejtor i Agjencisë kundër Korrupsionit

Hasan Preteni

